



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 1058. An & quæ officia militaria obire possit Clericus.

[urn:nbn:de:hbz:466:1-73957](#)

m. num. 33. q. 8. Barbol. *in c. ex literis. de excess.* pral. n. 5. Molin. *Zom. 5. tr. 3. d. 74. n. 5.* Reiffenst. b. t. n. 13. ratio de cætero sic statuendi Jure Ecclesiastico fuit, quod, cum Clerici electi à Christo ad tractanda mysteria salutis, imitandamque ejus manutudinem ac lenitatem, judicium sanguinis, ad quod spectant dictæ actions, maximè dedecat eorum statum & conditionem. Ac proinde, dum Episcopus seu quicunque alius Prælatus vel Clericus jurisdictionem temporalem obtinens (sive ratione Ecclesiæ seu dignitatis ecclesiasticae, sive ratione patrimonii, ut Pith. b. t. n. 14. cum Frane *in cit. c. 3. C. ult. b. t.*) licet per se has actiones exercere nequeat, potest ramen curare, eas per alios sibi subjectos exerceri. qui specialis est casus, in quo potest quid per alium, quod per se ipsum non potest, ut Gl. *fin. in c. 3. b. t. in 6.* quare homicidio vel alio maleficio, quod mortem meretur vel mutilationem, commisso in sua jurisdictione, potest ac debet suo Judici aut aliis cuiuscumque delegare seu injungere, ut super hoc veritatem inquirens justitiae debitum exequatur absque eo, quod irregularitatem incurrit; quamvis ejus Judex vel alius, contra malefactores processerit, ad pœnam sanguinis justitia mediante. quin & absque eo, quod, si Judex processerit contra justitiam, Prælato deleganti id imputari possit ad culpam; quia mandavit fieri justitiam, ita ferè in terminis. *c. 3. b. t.* Circa quæ passim notant AA. *in cit. c. Clericis 5. ant judicent.* & Abb. *ibid. n. 12.* constulum esse, ut tales Prælati non specialiter, sed generaliter committant alicui Laico potestatem cognoscendi causas sanguinis, & faciendi vindictam de omnibus malefactoribus. Quod si vero in tali causa ab illo Judice delegato appellare luet, appellandum Prælatum delegantem, qui hanc causam rursus alteri delegare debet; cum etiam in causa appellationis per se ipsum talern causam cognoscere nequit, ut Gl. *in c. Clerici. b. t. V. ant judicent.* & *mc. 3. V. Episcopos.*

Quæst. 1058. An & que officia militaria obire possit Clericus?

R Esp. Præterquam quod Clericis juxta dicta supra, per se pugnare, seu manu cum hoste conserere nullatenus licitum sit, prohibitum quoque est Clericis in sacris constitutis, multoque magis religiosis, per c. eos. 20. q. 3. c. quicunque. 23. q. 8. cit. c. sententiam obire alia officia militaria, v. g. Belliducum & Capitaneorum, ordinando aciem, sive in bello justo, sive injusto; præfendo ballistariis & dirigendo machinas, & tormenta bellica. Idem dicendum videtur de Commissariis bellicis castra sequentibus, & commeatuum seu annonam bellicam comparantibus & distribuentibus. ac ita ex ea ratione, quod similia tractate dedecat specialiter electos in milites Christi, quorum potius est vacare orationi, & imitari, ut dictum, ejus manutudinem, quam etiam hac ratione cooperari ad effundendum sanguinem, docente cum D. Thom. 2. 2. q. 20. a. 2. Suar. *de bello. d. 13. s. 3. n. 5.* Molin. *de J. & J. tr. 3. d. 108. n. 12.* Pith. b. t. n. 21. & alii communiter, quod aliqui cum Covar. *in clem. si furiosus. p. 2. §. 3. n. 2.* negant de Clericis minoris allegantes confuetudinem. Alii vero, inter quos Wiestn. b. t. n. 12. & hos, si beneficium habent & privilegium fori, & animum in Clericatu perseverandi, comprehendi volunt hac prohibitione & citatis juribus, utpote indistincte loquentibus, saltem extra eam extremæ necessitatis. De cætero Sacerdotes & Religiosi piè ac laudabiliter sequuntur castra, & in iis versantur, ut militi-

bus celebrent missam, aliasque sacramenta & divina ministrant, eosque ad pugnandum, si bellum justum sit, animent, modò ad occasionem aliquius hostium expressè & determinatè non excitent, non obstante, quod in C. 5. *de pœnis*, dicantur deponendi juxta Canonum veterum rigorem, qui ad confundendum milites incitant, quia id intelligendum de incitatione ad pugnam injustam, vel ad determinatam hostilium personarum occasionem, ut Suar. *de censur. d. 47. s. 6. n. 1.* Conz. *in c. fin. de homicid. n. 14. in fine.* Wiestn. b. t. n. 13.

Quæst. 1059. Num Clerici esse possunt gubernatores secularares, officiales & ministri Laicorum.

1. R Esp. Ad primum: c. Clerici. §. inhibemus. b. t. sub interminatione excommunicationis ipso facto incurriende post monitionem canoniam (ut ex verbo subjaceant, quo utitur textus, ministerium hominis non exigente colligunt Nav. c. 27. n. 117. Suar. L. c. d. 23. s. 3. n. 22.) Sacerdotibus (latius accepto homine, nimisrum comprehendo Diaconos & Sub-Diaconos, seu in genere omnes in sacris seu majoribus ordinibus constitutos, ut Arg. *Can. de crimine 15. q. 5. & c. si quis. de cobab. cler. & mul. Abb. in cit. Clerici. n. 8.* Sylv. *V. excommunicatio. q. n. 28.* apud Wiestn. b. t. n. 20, qui tamē addit, hanc hujus nominis acceptio rem & in jure viz receptam extra casus exceptos) prohibetur officium Vice-Comitis (qualis dicitur, cui dominus secularis committit jurisdictionem in aliquibus castris vel terris, ut Pith. n. 19. ex Durand. *in specul. L. 1. pract. c. 3. tit. de Vice-Com.*) item Præpositi quo nomine hic venit officialis Laicos. c. ex parte de V. S. juncta Gl. V. præpositus, veletiam gubernator alicujus provinciæ vel civitatis. Praelates Curia seu Cancelleria Principis. Dictam tamen excommunicationem non incurrit Episcopustale officium gerendo, censurâ illius personam non affidente, nisi illius fiat mentio juxta c. quia periculof. de sent. excom. in 6. eti peccet, si id faciat sine licentia Papæ. De cætero, dum talibus Prælatis competit jurisdictione temporalis, licet exercent talen jurisdictionem.

2. R Esp. Ad secundum: Clerici, etiam non Sacerdotes, non possunt esse ministri Laicorum, aut famuli domestici. Arg. c. 2. b. t. quod, ut ibi Abb. not. 1. intelligendum de Clericis constitutis in sacris, aut beneficiatis, neque esse procuratores rerum Laicorum juxta idem c. 2. ne quidem extra judicium, ut Gl. *ibid. V. in causis;* quamvis esse possint procuratores villarum Laicorum (per quod etiam videntur intelligendi quæstorum Laicorum) aut jurisdictiones quasdam seculares sub principibus viris exercere, per c. sed nec b. t. sub interminatione depositionis ab officio seu ministerio ecclesiastico, quia & strictius puniendus religiosus, si quid ex predictis attentaverit. Pith. n. 18.

Quæst. 1060. An licet Clericis exercere chirurgiam.

R Esp. Clericis constitutis in sacris, vel etiam in minoribus tantum habentibus beneficium competens (prohibita siquidem constitutis in sacris prohibita quoque censentur constitutis in minoribus, dum beneficium habent, ut Sanch. L. 6. mor. c. 15. n. 15. Nav. *in comment. 4. de regul. in fine*) prohibi-